

COLOSAS IMÁCIMO SAN PABLO ORÉCABE

La Carta del Apóstol San Pablo a los Colosenses

Pablo Colósamo ite Juzíñamuimo ñinotino cuete

1 ¹Cue Páblodicue. Iemo cue nabai Timoteo diga ómoína uáidoticoco. Juzíñamui começi jítaina izói Jesucristo orécamiedicue. Afe orécamiedicue daiíacana uai, Jesucristo ñúefuena llujítagamiedicue. Cue ama izóidimie Timoteo diga, ²Colosas jófuemo ite féitaño ñinofirede ámatiaimo bibe cuetícoco. Omoi daje izói Crístomo jaináidiomoi. Cai Moo Juzíñamui ómoimo caimare erócaiteza. Afe llezica Juzíñamui dibénemo icríñoeno uái illifue Juzíñamui ómoimo fécaiteza.

Pablo Jesumo ñinotino Juzíñamuimo úrite

³Omoiena Juzíñamuimo coco úrilla llezica jaca cai Ocuíraima Jesucristo Moo Juzíñamuina “Figora” daiífiredicoco. ⁴Mei Cristo Jesumo omoi ñinuana cócona ja fidítatiaioiza. Daje izói Juzíñamuimo jaináidinona omoi izíruillana cócomo llotíaioi. ⁵Afe bie izói itíomoi, mei monamo ómoimo éenoga maiñolle raamo ñue ocuíritiomoiza. Afe ómoimo lloga ua uai omoi cacánamona, ñue ocuíritagaomoi. Afe lloga ua uai ñuera jíllona uai. ⁶Afe daje lloga uai náganuiaimo llócaillado oni aillo mónaioicaide. Ua, ríganíai llizilla izói, iere jebuide. Mei daje izói afe uai omoi cacana mei, omoi cígiri aillo jebuúdeza. Juzíñamui caina izíruillana omoi cacana mei, afe izíruillana ua ráfueza ja omoi onónamona, afe ñúefue ómoimo aillo oni móonaitagaza.

⁷Cai izíruiga ama Epafras bie ñuera uai ómoimo llófuete. Afémie nauí cai méifomo afe uai llúamo táijide. Ie jira afémie ómoiena

Cristo ñue ocuícamié, mei afe llezica afémie Crístomo féitañeno iere ñinofiredimieza. ⁸Afémie Ñuera Joreño ómoimo comuítaga cuena omoí izíruillafue cuemo lluáibite.

⁹Jira áfena cai fidínaruimona biruimo jaca fáicanocaiñeno ómoiena Juzíñamuimo úrifiredicoco. Juzíñamui comeci jítainana ñue omoí onóillena afémiemo jicáfiredicoco. Daje izóí nana jiáiforie ifoci úrillana omoí onótallena jicádícoco, naa Juzíñamui dibénedo onóigafuiai. ¹⁰Afe bíemona cai Ocuíraíma Jesumo jaináidino illa izóí, ñue írediomoi. Mei afe izóí omoí ille jítáiredeza. Daií omoí íllamona afémiena nágarui ióbitaitiomoi. Afe afémie ióbillá raa be ñiie: Riga llizíllajiai aillo illa izóí, omoí finoca ñúefuiaiña aillo omoí jebuítallena; íemo jiái Juzíñamuina jamánomo ñue omoí onóillena. ¹¹Daje izóí nana cai ebírede Juzíñamuimo ite ñuera rínodo omoí ñue náireillena afémiemo jicáfiredicoco. Daií jicáfiredicoco nana ómoimo cómutifuiaina járitaiñeno fáicana omoí ocuíoillena. Daje izóí caimare aféfuiaiña omoí ocuíoillena ómoiena jicádícoco. ¹²Nane daií omoí comeci náireillamona caimare cai Moo Juzíñamuina “Íere figura” omoí daiífireillena jicádícue. Mei nana afémiemo dúidíno ie fecalle zíñona illíufue ómoiena batí Juzíñamui illa úzeredíno omoí maiñóllena, afémie ómoína ñue finódeza. ¹³Mei uáfueza, Taífe ocuífírega jííifomona Juzíñamui caina jíllotata. Jílluano ie izíruiga Jitó illáimana illánomo caina jóonete. ¹⁴Mei afémie Jitó tñillado, caimo ite íaífuiai féitajano, Juzíñamui caina jíllotataza.

Cristo tñillado Juzíñamui diga icíriñeno dájena uái itícaí

¹⁵Afe bie cai Moo Juzíñamui jaca cíñenamie íadi, comíni cíónamie izóí ie Jitodo ana bite; íemona afe Jitó Juzíñamui ñiie ua izóidena caina onótate, naa ie comeci ífuiai. Afe Jitó nana comuítaga ráaniai baímo jamánomoidímie. ¹⁶Juzíñamui ie Jitodo nana monamo itíñuiaiña finótate, naa éniemo itíñuiai. Cíoide ráaniai naa cíñena raa diga, nana afémiedo Juzíñamui finoca. Mei uáfueza, daa fiéñeno, nana afe cai cíñena ríñoredíno naa ocuídíllainíri, íemo jiái Juzíñamui abi imaci diga, dáamiedo finócaiaioi. Nana afe ie Jitodo finoca. Daje izóí afémie íena finoca. ¹⁷Mei afe Cristo nana ráaniai nai íñenia afémie jaca íteza. Daje izóí dáamiedo nana ie finoca ráaniai oni féiraiñeno ñue jaícina itíaiioi. ¹⁸Afe baímo Cristo nana afémiemo jaináidino afe ífo dainámie. Iemo nane afémiemo ínotíno ie abi dainámaci. Afémie afe bie ie abi daina ínotínona zíñona cáatatímie, mei afémie tñidínomona fueñe meine cáadímienaza. Afémie daií fueñe meine cáadímiena jaide, nana itífuiai baímo jamánomoidímiena íllena. ¹⁹Nana Juzíñamui zíñona illa izóí, nana afe izóí Cristo íllena Juzíñamui jitaide. ²⁰Nane daje izóí afe Cristo tñillado, Juzíñamui nana afémie comuítaganuiaiña icírafuenino dájena caimare uái illífuemo jóoneacade. Mei uáfueza, nana bíniemo itífuiai naa

comini diga, íemo jíái nana monamo itínuiari, Cristo cruzmo tñillado Juzíñamui éoiñeno dájena caimare uái itátaacade.

²¹Nauí diga íaifuiái omoi fínuamona Juzíñamuimona iere jicánemaci izóidiomoi. Daje llezica omoi comécido Juzíñamuina éoidinona itíomoi. Mei íadi ja birui Juzíñamui afémie diga ómoína icírafuenino dájena uái illífuemo jóonete. ²²Cristo tñizailla llezica ie abi izi cácanado, Juzíñamui daíí ómoína caimare dájena uái illífuemo jóonete. Afémie bie izói finode, íaifuenidinona, daje izói nífuenidinona afémie uiécomo cai ie jóoneillena. Uáfueza, afémie bie izói finode íeiena cai íllena. ²³Bie izói uáfueza omoi íllena, fáicanocaiñeno jaca ínorediomoi. Afe izói amena ana jica jainade riire illa izói, riire írediomoi. Daje llezica ñuera jíllona uaina omoi cacánamona omoi maíñoca caimare ocúírrillafuena fáinocainidiomoi. Afe bie ñuera jíllona uai ja náragobiaido llócaiga. Iemo afe izói afe llócaigamo cue jíái canódicue, mei afe uai llócaillena Juzíñamui jóonenocaigaeza.

Pablo Jesumo ínotino cánoitímiena jóonega

²⁴Birui omoi ícoinia duere cue zefuíllari íobidicue. Mei áfedo Cristo abi daina afémiemo ínotinori nana uícodo lloga nai duere cue zefuíllana ñue ícoímo fuitáredicue. ²⁵Mei omoi ñue íllena Juzíñamui cuemo jóonenocaigafuedo nana afémiemo ínotino cánoitímiena jáidicue. Mei uáfueza, Juzíñamui nana comínina llóicaiga uai, afe uai jino cue llúana ícoímo fuitállena jóonenocaigacue. ²⁶Afe bie ñuera uai jaiái ninómona ua biruimo comini figo onóñediaíoi; diga ígímaíai záilla méífomo afe uai nai retáiruiga raa izói joide. Mei íadi ja biruimo íeiedinomo ja jino báífitate. ²⁷Juzíñamui ja judíoñedinomo afe bie nauí báinino ite uai ñuera áíllue cáímafueza jino ómoímo onótaiacade. Bie báinide uai daina, Cristo ómoímo illa llote. Iemo íco jíáíruido ñue caimare omoi illífuemo omoi ocúírrillena afémie jino dénoite.

²⁸Cai bie Crístona jino uáfodo llotícaí. Afe llezica nana comínina ñue rairuídícaí. Daje izói nana núéfuiái ñue íaíoi onóíllena afémacina nana llóíredícaí. Afe izói naga come Crístomo dájena jaináíllamona afémie dibénedo ñue íaíoi móonaíllena llóíredícaí. ²⁹Bie cue fuitállena, nana Cristo cuemo íga máíriedo fúírienaiílla izói nágarui Juzíñamuimo izire jicáfíredícaí.

2 ¹Mei bífuena ómoína fidítaacadícaí. Jaca ómoíena iere fuírilla izói Juzíñamuimo riire jicáfíredícaí; daje izói Laodicea jófuemo itino íena, íemo jíái nana cue uíécona cíónedíno íena riire jicáfíredícaí. ²Afémaci comeci náíreíllena fuírilla izói Juzíñamuimo riire jicáfíredícaí. Iemo afe comeci náíreíllamona conímana ñue íaíoi izíruíllena riire nícíduano jicáfíredícaí. Mei daíí dájena omoi jainaina jira, bie nauí figo báítañega uai Cristo omoi ínúa mei, omoi diga íllana ñue jaícina

onóredimoiza. Afe daií uáfori jaícina afémiena ñue omoi onóillena, riire níciduano nágarui Juzíñamuimo izire jicáfiredicue. Mei jii, nana bie riire nícidoticue, figo ónoñega Juzíñamui ñuera uaina ñue omoi onóillena; mei afe báñega Juzíñamui uai daína dama Crístoza. ³Mei uáfueza, nana comeci jamánomo úrillafuiai naa onóigafuiai afémiemo ite. ⁴Bu ómoina ebírede uáillaído bífueñellena, nana bífuiái ómoimo llóiticue. ⁵Cue abi omoi cígiri iñede íadi, benómoma jicana izire ómoimo coméciidicue. Iemona daií cue fídia izóí dájena caimare omoi íllari íóbidicue. Daje izóí fáicanocaiñeno Crístomo omoi ínuari íóbidicue.

⁶Jae cai Ocuífiredede Jesucrístomo ñue omoi ínuamona ie lloga iodo jáirediomoi. ⁷Afe bie daiíacade, amena riire jáinaja izóí, Crístomo riire jáinárediomoi. Iemo jáí daje lezica jáinónide jáillirai izóí omoi íllena, nágarui Cristo uailai jeire omoi ua baimo jamánomo jeire ófireiri. Mei afe izóí llófuegaomoiza. Iemo afe lezica nágarui Juzíñamuina “fere figura” mai omoi daiífireiri.

Crístomo cai jáinánamona cai comeci cómuena méidoga

⁸Mei birui ñue abí omoi rairuri, baimaci omoi jífueacadeza. Afémaci táinodo ífoci úrillado, daje izóí íaioi lloga taino uáillaímo jífuebiñeno iri. Mei afémaci Cristo dibénemo iñédiaioiza. Mei jáífodo jáiai ninomo comini lloga taino uai dibénemo jáináidiaioi. Daje izóí dama bínie raa dibénedo comini coméciillafuiaimo jáináidiaioi.

⁹Mei íadi nana Juzíñamui zíñona ñue illa dieze, afe izóí Crístomo nana ñue jaícina ite. ¹⁰Iemona Crístomo dájena omoi jáinánamona, Juzíñamuina oruide comini izóidiomoi. Afe Cristo nana monamo ite ocufíllainina, naa cai cióñena rínoledinona ocufiredede. ¹¹Iemo nane daje izóí Crístomo dájena omoi jáinánamona ja bacano ícoi quetácano izóidiomoi. Mei íadi ua quetañegaomoi, mei jáífodo nanómoma omoi jocoina lezica ómoimo ite íaífueomona ja jíllodiomoi. Mei ua, bacano ícoi quétaja izóí, omoi fiénidífueomona quetaca izóí jíllodiomoi. Afe bie quetáfírena Crístomona comuide. ¹²Iemo nane jáífuemo cacáreiri. Mei omoi báutizanamona Cristo éniemo ana raia izóí ja raigáomoi. Bie nanómoma omoi fieni finócafuiái titaca izóí, ja fáicanocaitiomoiza. Iemo Juzíñamuimo ite áillue ríinomo omoi ínuamona Cristo izóí cómomiena afémie diga ja cáadimacina itíomoi; mei Juzíñamui dama íemo ite ríinodo Cristo tíide meine cáatateza. ¹³Naui jáíruido ómoimo ite íaífuiamona comeci diné tíidino izóidiomoi. Daje izóí quetátañena judúuaiñedino omoi illa lezica, omoi fiénide óiacanafue jeire omoi úamona, comeci dine ónonino tíidino izóidiomoi. Mei íadi birui Juzíñamui nana omoi fiénidífuiái féitajano, dájena Cristo diga ómoina abido cáatate. ¹⁴Caimo ite íaífue íballe raa izoide. Afe cai íbañenia tíiredicai. Mei íadi Cristo tíillado Juzíñamui cai íbácana záitate. Afe cai

ibácana Juzíñamui fiébiñeno ñue fbaja Cristo cruzmo coráiado ácatate. ¹⁵Mei afe llezica Cristo cruzmo tñillado, monamo ite ocuñillainina, naa cióñena rñinoredinona afémie rñinitade. Afémie uáfuri íaioi illáiena báiruado, nana afémaci baimo ie jamánomoidimie íllana ácatate.

Monamo ite ñúefuiaina omoi jenori

¹⁶Mei bíemona ninó dáamie omoi güille dibénedo omoi jánana júfidoiadi, áfemo mai náfueñeno omoi iri. Daje izói omoi júrua dibénedo ninó dáamie fiéni ómoina úriadi, áfemo náfueñeno mai omoi iri. Iemo jíái dáarie judíuai lloga ráfuiaimo eneno omoi coméciiñenado, ninó dáamie omoi jánana júfidoiadi, áfemo mai náfueñeno omoi iri. ¹⁷Mei nana bífuiái, uire Cristo billifue dibénedo comini ñue onóillena canódeza. Mei íadi Cristo bíllamona afe cai onótatífuiai jítañega, mei dama Crísto nana uafue raa báífideza. ¹⁸Iemona nino dáamie ómoina fiéniruiadi, mei afémie táinona mánaidimiena íllana ómoimo ácatateza, áfemo náfueñeno omoi iri. Daje izói afémaci diga Juzíñamui abí imaci ómoina ióbitafireiadi, áfemo náfueñeno omoi iri. Mei afémaci ónoñega nicaí anado ciófirena raado úrifirediaioiza. Afémaci jiba come comeci fácafuiaido abí iere ínofirediaioi. ¹⁹Afémaci Crísto dájena jaináñeno itíaioi. Mei jíáifodo Cristo nana íemo ínotino ífódimie. Afe ífo izói mamécamie nana ie abí écaja izói comécina náiretajamona afe abina móonaitade. Afe izói nana ie abímo jaináidino conímamo dájena jaináitajamona, ie abina móonaitade. Afémie Juzíñamui mamérilla izói nana bífuiái ocuífiredo.

²⁰Mei Cristo tñillarumo afémie diga tíidino izói jáidiomoi; bie daiíacade nanómona omoi fiéni finócafuiai titaca izói omoi fáicanocaigaza. Afe llezica bie énie ocuífiredo cai cióñena rñinoredinomona zuitácamací izói jáidiomoiza. Iemona ¿ñibái mei nai bíniemo dúidino izói ífirediomoi? ¿Ñibái mei ie ocuífufemo jeire otíomoi? ²¹Dáarie bie íaioi ocuica ífmairilla uáimona bie izói daide: “Bie riñeno iri,” íemo jíái “Afeniaina güiñeno iri,” íemo nane jíái “Baie jetáñeno iri,” daide. ²²Nana bie rairuñllafuiái bie éniemo ite jétamona fúioicaite güílleniaino dúide. Jira aféfuiaimo náfuenidiomoiza. Nana afe íaioi ocuica uailíai ía jiba comini dáina uailíai. Daje izói ía jiba comini llófuega. ²³Mei uáfueza, afe bífuiái báitafuiái izói cacáreide, mei afe ocuífino, “Bie cai dáina izói monamo itínona mai omoi caimátáifireiri” daí daidíaiioiza. Daje izói ía comini dáina comécina mánaidínona ómoina oréacadiaioi. Iemo jíái comini íaioi abí táinona duere zefuítatíaiioi. Mei íadi nana bie íaioi ocuífufuiái cai comécimo ite fiénide óiacanafuiái rairuñllena canóñede.

3 ¹Iemona, Cristo diga meine abído cáatagamaci omoi illa jira, mai mei mona dibénemo ite raa omoi jenori. Mei afénomo Jesucristo

Juzíñamui nabézimona illáimana íteza. ²Daje izói mona dibénemo ite raamo coméiillano áfemo omoi járitaifireiri. Mei jiáifodo bíníemo ite ráfuiamo izire comeci uitáñeno omoi iri. ³Mei Cristo tñillaruiamo afémie diga jae tñidinona jáidiomoi. Jae omoi jaiái fieni finóacagafue titaca izói afe omoi fáicanocaiga. Iemo ja birui Crístomo dájena omoi jaináinamona omoi uáfuenta cáatagano; íemo jiái Juzíñamui dinomo rairuícaomoi, mei Cristo daje izói Juzíñamuimo dájena jaináideza. ⁴Dama Cristo cai uáfuenta cáatagano. Iemo afémie cíocaille llezica, afémie diga cíocaitiomoi. Afe llezica afémiemo ite jamánomo ebírede ñúefuiamona ómoiena máíñoitiomoi.

Cai jaiái illafue méiduno cómfuedo jáiredicai

⁵Ie jira nauí bie éniemo omoi jainaina jira, ómoimo diga fieni óiacanafuai ite. Aféfuíai titalle izói mai omoi fáicanocairi. Naga ánidimie ringo diga jaca íñeno o iri. Iemo jiái, áiredimie ie áñedingo diga jaca íñeno o iri. Iemo daje izói jiáie cómemo íafuiáido coméiñeno omoi iri, íemo jiái omoi abímona comuide jiruífuenta omoi finóñeno iri. Daje izói omoi comeci fieni óiacanafuenta jeire oñeno omoi iri. Iemo nane jiáie cómemo úradoíñeno omoi iri, mei úradoífredimie diga raa óiacanamona jánaraimo caimáaidimie izóideza; Juzíñamui ífuiái baímo jamai bñie raana izíruíteza. ⁶Ie jira nana bífuiamona íemo cacáñedinona Juzíñamui íere duere finófirede. ⁷Iemo jaiái Crístomo omoi íñoñena llezica, nana bie izóidífuiái finófirediomoi. ⁸Mei íadi ja birui nana bie fáicanocairi: Jiáimamo icríñeno omoi iri, íemo rírede uallai bumó lloñeno omoi iri. Daje izói jiáie fiénidífuiái finóñeno omoi iri. Iemo jiáima jánana úriñeno omoi iri. Daje izói jiáima zanóllena fiénide uáíllaido íaire úriñeno omoi iri. ⁹Conímamo táinona lloñeno omoi iri, mei omoi jaiái fieni illafue jae méidogaza. Daje izói nano omoi finófirega jae fáicanocaigaza. ¹⁰Iemo ja birui comue iníroi jita izói ñue illáfuenta ja méidotiomoi. Iemo afe comue illafue comútatimie Juzíñamui. Ie jira ie illa izói afémie caina cómuena finótacana uite. Iemona afémiena ñue ícoimo ónoíticai. ¹¹Afe jira afe cómomaci judío ímiéna ie íllana náfuenidiaíoi. Iemo jiái judíoñediména ie íllana daje izói náfuenidiaíoi. Iemo jiái afémaci bacano quetácamiéna ie íllana náfuenidiaíoi; daje izói quétañegamiéna náfuenidiaíoi. Afe izói afémaci onínemaci íllana, íemo jiái onóñedíno íllana, íemo jiái izire ocuífiregano íllana, íemo jiái ócuífinigano íllana náfuenidiaíoi. Mei jiáifodo afémacimo Cristo íere jamánomo ráifinamona dama afémiemo náfuefirediaíoi. Mei Cristo naga íemo ínotinomo ífiredeza.

¹²Iemona bífueмо cácarei: Juzíñamui ómoína izíruíte. Izíruíllano afémie ómoína ñize de ie íafuenide comínina omoi íllena. Mei ie jira bie ñúefuiái izói omoi ífireiri: Jiáimacimo dúecaífireiri. Jeruíñeno

canófiredimiēna omoi iri. Comécina mánaidimiēna omoi iri, cáimafuiaido úrifiēri, járidoñeno omoi iri. ¹³ Conímamo jaca járidoñeno fíaicana omoi canori. Daa come jáimamo icíriadi afémiemo ñúefuedo omoi jicari, áfedo icírafue záillena. Omoi íaifue ícoinia Cristo oni féitaja izói, afe izói jáimie omo fieni finóadi afe ícoinia oni o féitafiēri.

¹⁴ Nana bífuiai emódomo iere omoi izíruifiēri. Mei afe izíruillafue cómena dájena jainátateza, jáimaci diga. Afe daí jáimacina cai izíruillamona, nana afe ñúefuiai jácina caina finótate. ¹⁵ Lemona Cristo comútaga caimare uái illafue omoi ifoci úrillana ífoiteza. Mei dáamaci izói íemo cai jainánamona afe bie izói cai íllena Juzíñamui caina uáidoteza. Afe llezica jaca Juzíñamuina “Figora” omoi daíffiēri.

¹⁶ Mai mei nana omoi comécido Cristo daináuai jeire órediomoiza. Afe mei aféuai ñue omoi onónamona conímama omoi llófuēri. Iemo daje llezica áfedo conímama ñue onóicana comécina omoi náretari. Iemo jái Juzíñamui íobitalliruai omoi rófiēri, jáie íena caimátalliruai diga. Daí ruano omoi comécido Juzíñamuina “Figora” omoi daíffiēri. ¹⁷ Mei jii, nana omoi jetácaga raa, íemo jái ómoimo ocuica caimánidifue diga, naa omoi daííllifuiari cai Ocuíraima Jesús mámecido omoi finófiēri. Afe llezica Moo Juzíñamuina afémiedo “Figora” omoi daíffiēri.

Crístomo ínotinomo dúide comini diga finófiēga uai

¹⁸ Daje izói bie jái llollífuemo omoi cácarei. Iníredingotiai, mai omoi inítiai anamo ñue ífiēri, mei Crístomo ínotinguaina omoi illa jira, afefue ínoredēza. ¹⁹ Daje izói inítiai omoi átiaina ñue izíruiri; afénguaina fiéniruiñeno omoi iri. ²⁰ Uruiai, omoi móotaina nágafuemo omoi cacáreiri, mei afe daí omoi íllamona cai Ocuíraima íóbide. ²¹ Móotiai, omoi úruiaina ícidoñeno omoi iri, afémaci jacínallamona minícana finónide daí íaioi íñeillena. ²² Ocuífiēgano, bíniemo ite omoi ocuídinona nágafuiaimo ñue omoi cacáreiri. Daa afémaci ñue ómoimo coméciillena afémaci fia eroina llezica ñue cacáreiñeno, mei íadi jái daje izói afémaci éroiñena llezica ñuera comécido omoi cacáreiri, mei Juzíñamuina ñúefuedo jacíruitacaiza. ²³ Daje izói nana omoi finóacaiga raa, ñúefuedo finori. Comini dibénedo izói táijñeno, Juzíñamuimo o táijina izói omoi finori. ²⁴ Mei ja onódiomoiza, Juzíñamui ómoimo lloga omoi jiríddolle zíñona illífuē afémie ómoimo fécaiteza. Mei uáfueza Cristo ocuícamacina maméidiomoiza. Afémie omoi ua Ocuíraima. ²⁵ Mei íadi fieni finódimie afe íbana ie fieni fínua díeze duere finóbite. Mei Juzíñamui jaca dáamie oni énenorie maméñede. Nana daje díeze jácina duere fínoite.

4 ¹ Ocuíraini, omoi anamo ite ocuífiēganomo ñue jácina omoi eroiri. Afémaci jitaica raamo uibíoicana omoi ocuífiēri. Mei monamo omoi Ocuíraima ítena onórediomoiza.

²Mai fáicaiñeno Juzíñamuimo omoi úrifireiri. Jaca afémiemo cáoaina izói úriri. Afe llezica “Figora” Juzíñamuina omoi daiífireiri. ³Daje izói cáiena Juzíñamuimo omoi jicáfíreiri, cai Ocuíraima uailai ñue cai llócaillena. Juzíñamui bie izói caina itátallena omoi jicari. Daje izói naui comini figo ónoñega Cristo dibénedo uai, uáfori cue llófuellena omoi jicari, mei daií llófueredícueza. Naui afefue cue lua jira ja birui llavébidícue. ⁴Mai omoi Juzíñamuimo jicari, bie ñúefue cuemo dúina izói, onóreoicana jino cue llóllena.

⁵Crístomo íñoñedino cígimo jaca ñue onódimie izói omoi ífireiri. Nágarui Cristo illafue afémacimo raire omoi ácatafireiri. ⁶Nágarui cáimafuiaido úriredio. Daje izói jaca ñue oíacanado o úriri, illa dígamie uai ñue o óllena.

Iraicaiño uáiduafue

⁷Cai izíruiga ama Tíquico, cuemo birui itifue ómoimo llujíte. Afémie fáicanocaiñeno iere cue canófredimie. Daje izói afémie cai Ocuíraima cue díga ocuífíregamiena ite. ⁸Ie jira afémiena ómoimo óreitícue, birui cai illafue ómoína onótallena; íemo jíái omoi comeci náiretallena. ⁹Afe llezica jíáimie Onésimo mámeciredimie Tíquico díga jáíte. Afémie cai izíruiga ama, íemo jíái iere ínofíregamie. Afémie ómoimaci ie. Afe íaillínoi nana benomo ífiredífuiai ómoimo llóitiaillínoi.

¹⁰Iemo cue llavébilla llezica cue nabai Aristarco, uailai ómoimo orede. Daje izói Bernabé enaize Marcos uailai ómoimo orede. Marcos dibénedo jíáie lluáfuiyai ja onódiomoiza. Afémie omoi méiñuaiadi, caimare íena omoi uáidori. ¹¹Iemo jíái Jesús ómoína uáidote. Afémie jíái Jústona mámeciredimie. Juzíñamui illaíma illano dibénedo cue táijina llezica, daa afe bimaci judíuaimona Crístomo ínotino cue canódino. Afémaci iere daa cue íóbitadino. ¹²Iemo jíái Epafras uailai ómoimo orede. Afémie ómoimaci ie. Daje izói Cristo ocuífíregamie. Afémie ómoiena jaca izire Juzíñamuimo jicáfírede, fáicanocaiñeno Juzíñamuimo omoi ínollena. Daje izói Juzíñamui dibénedo ñue omoi mónaillena íemo jíái nana Juzíñamui comeci jítaina izói jaícina ñue omoi finóllena, afémie Juzíñamuimo jicáfírede. ¹³Afémie iere ómoimo coméciillana uaina nabáífredícue. Daje izói afémie jíái Laodicea jofue comínimo iere coméciífredí, naa Hierápolis jofue comíniri. ¹⁴Iemo jíái izíruiga manóriraima Lucas uai orede, daje izói Demas.

¹⁵Iemo jíái Laodicea jófueimo ite ámatiai uáidori. Daje izói Ninfas dainámie omoi uáidori, naa ie jofomo gairífredí ínotino díga. ¹⁶Bie rabe omoi nana facádua mei, Laodicea Juzíñamuimo gairíracomo facádollena omoi oreri. Daje izói Laodicéamo cue oreca rabe omoi díne dúciadi, nana omoi facádori. ¹⁷Jíái Arquípomo lloiri: “Mai cacai, Juzíñamui omo jóonega ie táijina mai ñue jaícina o fuitari,” daiíri.

¹⁸Cue Páblodicue. Afena uafue daiíllena, bie uáidua uai dama cue ónoído ómoimo cueticue. Onóitiomoiza, cue mei llavébidicueza; ie jira Juzíñamuimo cue dibénedo úriri. Juzíñamui ñue ómoído eróiteza. Mai daiítadeza. Jae ñiie.